




# ხაშურის მთაშბე



№3 (184)

21 იანვარი, ორშაბათი,

2019 წელი

## სოფლების მხარდაჭერის პროგრამა განახლდა

ორწლიანი შენეების შემდეგ, მთავრობის დადგენილების საფუძველზე, სოფლის მხარდაჭერის პროგრამა განახლდა. სოფლებში პროექტების შერჩევის პროცედურები უკვე დაწყებულია. რა პროექტები დაფინანსდება, როგორ გადანაწილება თანხები სოფლების მიხედვით, ხაშურის მუნიციპალიტეტის მერიის ინფრასტრუქტურის განვითარების და კეთილმოწყობის განყოფილების უფროსი გიორგი პაპიაშვილი ისაუბრებს:



—მიმდინარე წელს, საქართველოს მთავრობის განკარგულებით, გამოგეყო 422 000 ლარი, მოგესხნებათ, რომ სოფლის მხარდაჭერის პროექტი 2016 წელს, მთავრობის განკარგულების საფუძველზე, შეჩერდა, სასიხარულოა ის ფაქტი, რომ აღნიშნული პროექტი აღდგა. გასულ წელთან შედარებით, წელს თანხები შემცირებულია. თუმცა, გაწერილია პრიორიტეტული მიმართულებები, ესენია: გარეგანათლებლები, სანიაღვრე არხების მოწყობა, გზების რეაბილიტაცია, სასმელი წყლის სისტემის მოწყობა, საბავშვო სტადიონები, სკოლების შემოღობვები. ის მავნე პრაქტიკა, როგორც იყო სარიტუალო დარბაზების მშენებლობები, აღნიშნული პროგრამით, შეწყვეტილია. 71 სოფელია წელს, რომელიც მიიღებს აღნიშნულ პროექტში მონაწილეობას, თანხები გამოყოფილია დასახლებების მიხედვით. თანხის განაწილება ახალი დადგენილების თანახმად, შემდეგნაირად განისაზღვრება: იმ დასახლებას, რომელშიც

მაცხოვრებელთა რაოდენობა შეადგენს არაუმეტეს 200 მაცხოვრებელს, გამოეყოფა 5000 ლარი, დასახლებას, რომელშიც მაცხოვრებელთა რაოდენობა შეადგენს 201-დან 400 მაცხოვრებელს, გამოეყოფა 6000 ლარი, დასახლებას, რომელშიც მაცხოვრებელთა რაოდენობა შეადგენს 401-დან 1 000 მაცხოვრებელს, გამოეყოფა 8 000 ლარი; დასახლებას, რომელშიც მაცხოვრებელთა რაოდენობა აღემატება 1 000 მაცხოვრებელს, გამოეყოფა 10 000 ლარი. 25 იანვარს დავასრულებთ მოსახლეობასთან შეხვედრებს, სადაც უკვე გამოიკვეთება პრიორიტეტები, მოხდება პროექტების შედგენა და დაიწყება სამუშაოების წარმოება. მთავრობის განკარგულებით, პირდაპირი წესით მოხდება შემსყიდველების მოძიება, რაც საშუალებას მოგვცემს, უმოკლეს ვაღებში დავასრულოთ სამუშაოები. ვფიქრობთ, რომ იენისის ბოლომდე დავასრულებთ სამუშაოებს. როგორც უკვე აღვნიშნე, მოსახლეობასთან შეხვედრები უკვე სისტემატურად მიმდინარეობს და სამუშაოების დასრულების შემდეგ, მოხდება მონიტორინგი, ინფორმაცია საჯარო იქნება და ნებისმიერ დაინტერესებულ პირს, შეუძლია მიიღოს ინფორმაცია. რადგან ეს პროექტი ერთგვარი სტარტაპია, მომავალ წელსაც გაგრძელდება გაორმაგებული თანხებით. მესმის, რომ პრობლემები და გასაკეთებელი საქმე ბევრად მეტია, მაგრამ ასეთი ნაბიჯებით, ნელ-ნელა შევძლებთ მათ მოგვარებას. მინდა აღვნიშნო, ისიც, რომ გარდა სოფელზე კონკრეტულად გამოყოფილი ფულადი რესურსისა, თუ მუნიციპალიტეტი ჩათვლის, რომ მნიშვნელოვანი პროექტია, შეუძლია თანადაფინანსებაც.



## სასწავლო დაწესებულებებში გრიპის ვირუსის პრევენციისთვის შესაბამისი სამუშაოები ჩატარდა

საქართველო და უშუალოდ ჩვენი რაიონი სეზონურმა გრიპებმა მოიცვა. საქართველოს ჯანდაცვის სამინისტრო სიფრთხილისკენ და დროული ჩარევისკენ მოუწოდებს მოსახლეობას, სავალდებულო შედეგების აცილების მიზნით. როგორც იცით, საქართველოს განათლების სამინისტრომ, ჯანდაცვის სამინისტროსთან ერთად, მიიღო გადაწყვეტილება, რომ სკოლებმა, ბაღებმა და სასწავლებლებმა სწავლა 21 იანვრიდან განაგრძოს. გრიპის ვირუსის გავრცელების პრევენციის მიზნით, სასწავლო დაწესებულებებს ეძლევათ რეკომენდაცია არდადეგების პერიოდი დამატებით გამოიყენონ სკოლის შენობებში სადეზინფექციო სამუშაოების ჩასატარებლად, სასწავლო პროცესის აღდგენის შემდგომ, სისტემატურად დასუფთავების სველი წესით საკლასო ოთახები და დერეფნები, შესაბამისი ხსნარებით გაიწმინდოს მერხები და სკამები, სასკოლო ინვენტარი. ამ საკითხთან დაკავშირებით, კომენტარი ხაშურის განათლების რესურსცენტრის უფროსის ზვიად ვოგუაძეს და საბავშვო ბაღების გაერთიანების ხელმძღვანელს დავით ნოზაძეს ვთხოვეთ.

ზვიად ვოგუაძე (ხაშურის საგანმანათლებლო რესურსცენტრის უფროსი): — რესურსცენტრის მონიტორინგის ჯგუფი საქმიანობას ახორციელებს სეზონური გრიპების ირგვლივ შექმნილ მდგომარეობაზე. სკოლებს აქვთ დავალება ჩვენგან, რომ სველი წესით დამუშავდეს ყველა საკლასო ოთახი და სკოლის მთლიანი ტერიტორია, გარდა ამისა, უნდა ჩატარონ სადეზინფექციო სამუშაოები სპეციალური ხსნარების საშუალებით, რომლებიც სკოლებმა უკვე შეიძინეს. ეს პროცესი სკოლებში უკვე დაწყებულია და რასაკვირველია, სკოლის დაწყებამდე უნდა დამთავრდეს, გარდა ამისა, ჩვენგან დავალებაა, რომ ყოველდღე, სწავლის დასრულების შემდეგ, ყველა კლასი დასუფთავდეს სველი წესით. ამჟამად, საგანგებო მდგომარეობაა შექმნილი სკოლებში, რომელიც სავარაუდოა, რომ გაზაფხულის პირველ დეკადამდე გასტანს.

დავით ნოზაძე (ა(ა)იპ სკოლამდელი აღზრდის დაწესებულებების – საბავშვო ბაღების გაერთიანების დირექტორი): — ბაღებში სადეზინფექციო სამუშაოები არამარტო გრიპების პერიოდში, არამედ ყოველ წელს ინტენსიურად მიმდინარეობს. საბავშვო ბაღებისთვის ახლა შემოგვაქვს ვადიანი ხსნარები, სხვადასხვა საგნების სადეზინფექციოდ. განსხვავებით სკოლისგან, ბავშვი იძინებს საბავშვო ბაღში, საკვებს იღებს, შესაბამისად, სიფრთხილეს არ ვაკლებთ. აგრეთვე, ჩაუტარეთ ტრენინგები საბავშვო ბაღის პედაგოგებს, აღმზრდელებს და მზარეულებს, ავუმაღლეთ კვალიფიკაცია ასე, რომ 21 იანვრიდან სრული დატვირთვით დაიწ-

ყებთ სწავლას. — ბატონო დავით, თქმას გადაუხვევთ და მკითხელის მაღალი ინტერესიდან გამომდინარე, გვინტერესებს რა მდგომარეობაა, ამჟამად, შუშის ქარხნის დასახლებების საბავშვო ბაღში?

— სწორედ, ახლახანს მივიღეთ დასტური ტენდერზე, რომელიც ავეჯით უზრუნველყოფას გულისხმობს. ტენდერი უკვე გამოცხადდა რბილ ქსოვილებზეც: საბნებზე, ბალიშებზე და ა.შ. როგორც იცით, შუშის ქარხნის დასახლების საბავშვო ბაღი თანამედროვე სტანდარტებით აშენდა, თუმცა მოსაპირკეთებელია ეზო. დარჩენილ სამუშაოებს უახლოეს მომავალში შევასრულებთ და ბაღიც ამუშავდება, რომელიც სამ ჯგუფზე იქნება გათვლილი. ამასთან, დავამატებ, რომ ამ ბაღთან ერთად, გაიხსნება ტეზრისა და სატივის საბავშვო ბაღები.



14 იანვარს, როგორც მთელს ქვეყანაში, ხაშურშიც აღინიშნა ქართული დროშის დღე და ქალაქის ცენტრალური მოედანი და მერიის შენობა ქართულმა დროშებმა დაამშვენა (შესაბამისი მასალა იხილეთ მე-2 გვერდზე)

ხაშურის მუნიციპალიტეტის მერია და მუნიციპალიტეტის საკრებულო ღრმა მწუხარებით იუწყება ღვაწლმოსილი პედაგოგის, ხელოვანის და შესანიშნავი ხაშურელის - ქალბატონი ნანი გაჩეჩილაძის გარდაცვალებას და თანაგრძნობას უცხადებს მის ოჯახს და მეგობრებს.

საქართველოს სახელმწიფო დროშა - საქართველოს ეროვნული სიმბოლოა გერბთან და ჰიმნთან ერთად, შემოღებულ იქნა საქართველოს ორგანული კანონის საფუძველზე, რომელიც ძალაში შევიდა საქართველოს პრეზიდენტის მოვალეობის შემსრულებლის ხელმოწერის შემდეგ 2004 წლის 14 იანვრიდან.

# 14 იანვარს, მთელს საქართველოში, ეროვნული სიმბოლოს - ქართული დროშის დღე აღინიშნა

ამ კანონით დადგენილი საქართველოს სახელმწიფო დროშა არის საქართველოს სახელმწიფო დროშის ერთადერთი ვარიანტი. აკრძალულია საქართველოს სახელმწიფო დროშად

იგი სამი სახელწოდებით არის ცნობილი: გოდფრუა ბუიონელის გერბი, იერუსალიმის გერბი და წმინდა ნიშანი. ვერცხლი (თეთრი) ჰერალდიკურად უმანკობას, უბიწობას, სიწმინდეს, სიბრძნეს აღნიშნავს, ხოლო წითელი - სიმამაცეს, ვაჟკაცობას, სამართლიანობას და სიყვარულს. ეს დროშა საქართველოს ტერიტორიის აღმნიშვნელად დაფიქსირდა ანჯელინო დულჩერის პორტულანზე (1339წ.) და ფრანჩესკო და დომენიკო პიციგანების პორტულანზე (1367წ.).

## დროშის დღე

საქართველოს სახელმწიფო დროშის დღე აღინიშნება იანვრის თვის 14 რიცხვში, საქართველოს სახელმწიფო დროშის შესახებ საქართველოს ორგანული კანონის მიღების დღეს.

სახელმწიფო დროშის დღე პირველად 2012 წლის 14 იანვარს აღინიშნა, ღონისძიება მარჯანიშვილის მოედანზე გაიმართა. ღონისძიების ფარგლებში, მონაწილეებმა გამოფინეს საქართველოს დროშები, მარჯანიშვილის მოედანზე აღმართეს საქართველოს დიდი დროშა, ხოლო პატარა დროშები უბრალო გამველებს დაურიგეს.

## ადრეული საქართველოს დროშები

ადრეული საქართველოს დროშები სხვადასხვაგვარი იყო. ცალკალკე არსებობდა სახელმწიფო დროშა, საეკლესიო, ლაშქრის. სახელმწიფო დროშას სამეფო დროშა ეწოდებოდა (სხვაგვარად სეფე-დროშა). XI-XVI საუკუნეების ქართული საისტორიო წყაროები ქართულ სახელმწიფო დროშას იხსენიებენ, როგორც „გორგასლიან და დავითიანს“. იგი იყო ერთიანი საქართველოს სიმბოლო. ეს დროშა ვახტანგ გორგასლის დროიდან უნდა მოდიოდეს და თეთრი ფერისა უნდა ყოფილიყო, მიმაგრებული წითელ ჯვრთან ბუნზე. სომეხ ისტორიკოსთა ცნობით თეთრ დროშაზე რაღაც ნიშანი იყო დატანილი, თუმცა უცნობია კონკრეტული გამოსახულება. არსებობს სხვა ცნობაც, რომლის მიხედვითაც საქართველოს სახელმწიფო დროშაზე წმიდა გიორგის გამოსახულება იყო აღბეჭდილი. ამ ცნობას იძლევა შუა საუკუნეების პოლონელი მოგზაური კოტოვიჩი, რომელსაც უნახავს იერუსალიმში სალოცავად მოსული ქართველები, ქართული სახელმწიფო დროშით. გადმოცემით, „გორგასლიანი და დავითიანი“ დროშა მე-19 საუკუნემდე არსებობდა და იგი ქუთაისის სამეფო ზარდახანაში ინახებოდა. მე-19 საუკუნის დასაწყისში კი, ახალციხის ბრძოლის დროს, იგი თურქებს გაუტაციათ.

XIII-XIV საუკუნეებში თეთრი ალმის გვერდით ჩნდება შავიც, მასზე თეთრი ტოლმკლავიანი ჯვრით. ფიქრობენ, რომ იგი დავით ნარინმა



სხვა დროშის გამოყენება. იგი ადგენს საქართველოს სახელმწიფო დროშის, როგორც სახელმწიფო სიმბოლოს, აღწერილობას, მისი გამოყენებისა და დაცვის წესს.

საქართველოს სახელმწიფო დროშა არის მართკუთხა თეთრი ფერის ქსოვილი, რომლის ცენტრალურ ნაწილში გამოსახულია დროშის ოთხივე გვერდთან დაკავშირებული სწორკუთხა წითელი ფერის დიდი ჯვარი; ჯვრის ვერტიკალურ-ჰორიზონტალური მკლავებით გამოყოფილ ოთხკუთხედებში გამოსახულია ოთხი იმავე ფერის, ბოლნურ-კაცხური ჯვარი. საქართველოს სახელმწიფო დროშის სტანდარტული ზომები და ზუსტი გამოსახულება დგინდება საქართველოს პრეზიდენტის ბრძანებულებით. დროშის მიმდინარე ვერსია დადგენილია პრეზიდენტის 25 იანვრის №31 ბრძანებულებით.

## დროშის აგების წესი, სქემა

საქართველოს სახელმწიფო დროშა მუდმივად აღიმართება: საქართველოს პრეზიდენტის რეზიდენციის, საქართველოს პარლამენტის, საქართველოს აღმასრულებელი ხელისუფლების დაწესებულებების, საქართველოს საკონსტიტუციო სასამართლოს, საქართველოს უზენაესი სასამართლოს და სხვა ცენტრალური, რეგიონული და ადგილობრივი თვითმმართველობის და მმართველობის ორგანოების ადმინისტრაციულ შენობებზე, აგრეთვე საზღვარგარეთ არსებული საქართველოს საელჩოებისა და სხვა დიპლომატიური წარმომადგენლობების შენობებზე, საზღვაო გემებსა და საზღვაო მიმოსვლის სხვა საშუალებებზე, რომელთა მიწერის ადგილი საქართველოს ტერიტორიაა.

## დროშის შესახებ

საქართველოს დროშაზე მოცემული გამოსახულება - ვერცხლის (თეთრ) ფონზე ერთი სწორკუთხა ჯვარი, კუთხეებში ოთხი მცირე ჯვრით - ზოგადქრისტიანული სიმბოლოა, რომელიც მაცხოვარსა და ოთხ მახარობელს განასახიერებს. ეს ზოგადქრისტიანული სიმბოლო, როგორც ჰერალდიკური ნიშანი, პირველად 1099 წელს, ჯვაროსან გოდფრუა ბუიონელის გერბზე



დაფიქსირდა, ვინაიდან ამ პიროვნებამ მაცხოვრის საფლავის მცველის ტიტული მიიღო. ამ პერიოდიდან, ეს ჰერალდიკური ნიშანი მაცხოვრის საფლავს და ამავე დროს ქრისტიანობის ცენტრს, იერუსალიმს განასახიერებს.

შემოიღო დასავლეთ საქართველოში დამკვიდრების შემდეგ. XV საუკუნეში, საქართველოს სამეფო-სამთავროებად დაშლის პერიოდიდან, დროშათა ნარისახეობაც გამრავლდა. ქართლის სამეფო დროშა მოწითალო შინდისფერი გახდა. დასავლეთ საქართველოში კი დამკვიდრდა თეთრი დროშა.

## დამოუკიდებელი საქართველო (1918-1921, 1990-2004)

საქართველოს დამოუკიდებლობის მოკლე ხნის განმავლობაში, 1918-21 წლებში, მიღებული იყო სამეფო დროშა. დიზაინი შერჩეულ იქნა ეროვნული დროშის დიზაინის კონკურსით, რომელშიც მხატვარი იაკობ ნიკოლაძის იდეამ გაიმარჯვა. დროშა 1921 წელს საქართველოს რევკომმა გააუქმა საქართველოს ანექსიის შემდგომ და ის მხოლოდ 1990 წლის 14 ნოემბერს აღადგინეს საქართველოს რესპუბლიკის უზენაესი საბჭოს გადაწყვეტილებით. ამ დროშამ მოგვიანებით პოპულარობა დაკარგა, ვინაიდან საბჭოთა კავშირისგან საქართველოს დამოუკიდებლობის ქაოტურ და სისხლიან პერიოდთან ასოცირდებოდა.

## საბჭოთა საქართველო (1921-1990)

საბჭოთა პერიოდში საქართველოში წითელი საბჭოთა დროშის რამდენიმე ვარიანტი იყო მიღებული, რომელზეც ან საქართველოს სსრ-ის სახელი იყო აღბეჭდილი, ან წითელი ნამგალი და ურო ვარსკვლავით ლურჯ მზესა და ლურჯ ზოლზე დროშის ზედა ნაწილში, ეს დროშა საქართველოს მთავრობამ გააუქმა 1990 წელს საბჭოთა კავშირისგან დამოუკიდებლობის გამოცხადებისას.



# ქალაქის განვითარებასა და სილამაზეზე ზრუნვა არამხოლოდ მუნიციპალიტეტის, არამედ თითოეული მოქალაქის მოვალეობად მიგვაჩნია

ძვირფასო ხაშურელებო, მეგობრებო, საახალწლო დღეებში მუნიცი-



პალიტეტის მერიამ არაერთი თქვენგანისაგან მიიღო მადლობა ქალაქის საახალწლოდ გალამაზების და განათების გამო. ჩვენ მადლობას ვუხდით თითოეულ ადამიანს, ვინც საკუთარი, თუნდაც კრიტიკული აზრი გამოხატა. განსაკუთრებით გვახარებდა, როცა ვხედავდით, რომ პატარები, ახალგაზრდები და საერთოდ, ყველა თაობის ადამიანები შეჰხაროდნენ მორთულ ქალაქს, იღებდნენ სამახსოვრო ფოტოებს, იზიარებდნენ საახალწლო განწყობას და სიხარულს.

თუმცა, დიდი გულისტკივილით უნდა განვაცხადოთ, რომ ამ ორიოდ დღის წინ, გვიანი დამით დაუდევარი და უსულგულო ადამიანების მიზანმიმართული განზრახვით, მძიმედ დაზიანდა ქალაქის ცენტრალურ მოედანზე განთავსებული საახალწლო მორთულობა - მანათობელი ირმები და ბურთები.

დანაშაულის შესახებ ინფორმირებულია შესაბამისი უწყებები. მიმდინარეობს გამოძიება. იმედია, დამნაშავე კანონის შესაბამისად დაისჯება, მაგრამ ჩვენი გულწრფელი თხოვნაა, მეტი პასუხისმგებლობით მოვეკიდოთ საზოგადო ქონებას, რომელიც თითოეული ჩვენგანის საკუთრებაა. აქვე ვიტყვით იმასაც, რაც თითოეულმა ხაშურელმა ისედაც იცის: საახალწლო მორთულობა ქალაქის ცენტრალურ მოედანზე განთავსებული იყო იმგვარად, რომ ადამიანის მიერ მისი შემთხვევით დაზიანება აბსოლუტურად გამორიცხულია.

გული ვგტკივს, რომ მსგავს საკითხებზე მსჯელობა გვიწევს, მაგრამ საზოგადოების ინფორმირება ამ მეტად მტკივნეულ პრობლემაზე მაინც გადავწყვიტეთ, რადგან ქალაქის განვითარებასა და სილამაზეზე ზრუნვა არამხოლოდ მუნიციპალიტეტის, არამედ თითოეული მოქალაქის მოვალეობად მიგვაჩნია.

მუნიციპალიტეტის მერია

## ბიოჰუმუსი - 100% ეკოლოგიურად სუფთა - ორგანული სასუქი

თანამედროვე მსოფლიო გამოცდილებამ აჩვენა, რომ ადამიანს შეუძლია დააჩქაროს ნიადაგის პროდუქტიულობის აღდგენა, შექმნას „ცოცხალი მიწა“. სწორედ ამ პროცესს ემსახურება ბიოჰუმუსის შეტანა ნიადაგში.

ყველა განვითარებულ ქვეყანაში პრიორიტეტული ხდება ეკოლოგიურად სუფთა საკვები პროდუქტების წარმოება. ამიტომ დღით-დღე მატულობს ეკოლოგიურად სუფთა ორგანული სასუქების წარმოება გამოყენება.

ბიოჰუმუსი წარმოადგენს ეკოლოგიურად სუფთა, ნატურალურ, ბიოლოგიურად აქტიურ ორგანულ სასუქს, რომელიც მიიღება ორგანული ნარჩენების გადამუშავების მეთოდით, სადაც მთავარ როლს წვიმის ჭია (ჭიაყელა) ასრულებს.

ბიოჰუმუსი არის კონცენტრირებული ორგანული სასუქი. მასში დაბალანსებულია მთელი რიგი კომპლექსური საკვები ნივთიერებები.

მასში შედის მცენარისათვის აუცილებელი მიკრო- ელემენტები, ფერმენტები, ნიადაგის ანტიბიოტიკები, ვიტამინები, მცენარეთა ზრდა-განვითარებისათვის აუცილებელი ჰორმონები და



რაც მთავარია ჰუმინური მჟავების მთელი კომპლექსი.

ბიოჰუმუსი და მისგან მიღებული ბიოპრეპარატების ინტენსიური გამოყენება სწრაფად აღადგენს დაუძღვრებულ ნიადაგის აგრო-ტექნიკურ მახვენებლებს. საგრძნობლად ამცირებს ნიადაგში ნიტრატებისა და ქიმიურ ნარჩენების დონეს, ასუფთავებს მძიმე მეტალებისაგან, აფერხებს პათოლოგიური მიკრო-ფლორის განვითარებას.

ასუფთავებს სავარგულებს სარეველა ბალახისგან, ბიოჰუმუსის გამოყენება საგრძნობლად ამცირებს მინერალური სასუქების და შხამ-ქიმიკატების რაოდენობას და დონეს, ზრდის მოსავლიანობას და ამცირებს ცოცხალი შრომის დანახარჯებს.

ბიოჰუმუსის მომხმარებელთა წრე ძალიან ფართოა, კერძოდ: ყველა ბიოპროდუქტების მწარმოებელი ფირმა თუ ფერმერი, სასათბურე და სანერგე მეურნეობები, მკვანახეობის თუ მებოსტ-

ნეობის სფეროები, ქალაქის გამწვანებისა და კეთილმოწყობის სამსახურები, სპორტული მოედნების მომსახურე ფირმები, ყვავილების მოყვარული ყველა დიასახლისი თუ ოფის-მენეჯერი.

ჭიაყელის ბიომასა უნიკალური და საკმაოდ ძვირადღირებული საკვები დანამატია, ბიოჰუმუსი — ეს არის 100%-იანი ორგანული სასუქი და ეკოლოგიურად სუფთა მოსავლის მიღების ერთ-ერთი გარანტი.

მოქმედების ეფექტი მისი ნიადაგში შეტანიდან 4-5 წლის განმავლობაში გრძელდება, სხვადასხვა კულტურებში მოსავლიანობას ზრდის 30-70%-ით.

ბიოჰუმუსი აბსოლუტურად უვნებელია ნებისმიერი სახის ნიადაგისათვის.

- ბიოჰუმუსის უპირატესობა:
- არ შეიცავს სარეველა ბალახის თესვებს;
- არ შეიცავს პათოგენურ მიკროფლორას;
- არ შეიცავს მძიმე მეტალებს;
- არ გააჩნია ადაპტაციის პერიოდი;
- არ გამოირეცხება ნიადაგიდან;
- ასუფთავებს ნიადაგს ნიტრატებისაგან;
- ამდიდრებს ნიადაგს ყველა საჭირო მიკროელემენტებით;
- მცენარე ბიოჰუმუსს პრაქტიკულად 100% ით ითვისებს.

ბიოჰუმუსის უპირატესობის მაჩვენებლები ნაკელისა და მინერალური სასუქების მიმართ

ბიოჰუმუსი როგორც ვიცით წარმოადგენს უნიკალურ მიკრო-ბიოლოგიურ მინერალურ სასუქს, რომელიც მიიღება შინაური ცხოველის ნაკელისა და სხვადასხვა მცენარეული ნარჩენების გადამუშავებით ჭიაყელის მიერ.

ჩვენი სასოფლო-სამეურნეო მიწები სწრაფად კარგავენ აგრო-ქიმიურ და ბიოტექნიკურ მაჩვენებლებს, თანამედროვე სასუქები კი იწვევენ ნიადაგის დაბინძურებას ნიტრატებითა და მძიმე მეტალებით. ესენი კი აუარესებენ პროდუქტის ხარისხს და ხშირ შემთხვევაში მათ ხდიან ჯანმრთელობისათვის სახიფათოს.

ბიოჰუმუსის მთავარი ღირსება სწორედ ნიადაგის გაჯანსაღებაა. იგი საგრძნობლად აუმჯობესებს ნიადაგის აგროქიმიურ მაჩვენებლებს, იზრდება ნიადაგის აერაციული დონე, მატულობს პიდროლოგიური მონაცემებიც.

ყველაფერი აქედან გამომდინარე, მადლდება საერთო პროდუქტიულობა, საგრძნობლად უმჯობესდება პროდუქციის ხარისხი და ხდება პრაქტიკულად ეკოლოგიურად სუფთა.

რაც შეეხება ეკონომიკურ მაჩვენებლებს, ამ მხრივაც მომგებიანია ბიოჰუმუსის მასშტაბური გამოყენება.

ნაკელისა და მინერალური სასუქის ეფექტურობა ნიადაგში შეტანიდან მესამე წელს ფაქტიურად ნულს უტოლდება, ჰუმუსი კი მუშაობას განაგრძობს 5-6 წელი. მინერალური სასუქი აჩქარებს როგორც კულტურულ ასევე სარეველა მცენარეების ზრდა-განვითარებას.

ბიოჰუმუსის ხშირი შეტანა კი ფაქტიურად ასუფთავებს ნიადაგს სარეველებისაგან რადგან ნაკელისაგან განსხვავებით მასში არ არსებობს მათი თესვები. აქედან გამომდინარე, ძირეულად მცირდება მექანიკური შრომის დანახარჯი სარეველებისაგან განთავისუფლებისათვის.

1 ჰა ფართობის მქონე ტერიტორიაზე თუ საჭიროა 40-60 ტ. ნაკელის შეტანა, იგივე ეფექტი მოაქვს 3-5ტ. ჰუმუსის შეტანას. ე.ი. აქაც იზოგება ცოცხალი შრომა.

გარემოს დაცვისა და სოფლის მეურნეობის სამინისტროს ხაშურის საინფორმაციო - საკონსულტაციო სამსახური

ვაგრძელებთ ისტორიკოს თამაზ ლაცაბიძის ნაშრომის „ხაშურის მუნიციპალიტეტში გავრცელებული გვარების ისტორიისათვის“ პუბლიკაციას. დღეს ბოლოკადეების და დაბრუნდაშვილების გვარების ისტორიას გაეცნობა მკითხველი.

**ბოლოკადე**

გვარ-სახელი მცირერიცხოვანია.. 1995 წელს საქართველოში დაფიქსირებულია 148 ბოლოკადე (თბილისი - 49, ქარელი - 18, რუსთავი - 11).

ალ. ლლონტი აფიქსირებს მეტსახელს - ბოლოკა, რაც საფუძვლად უდევს გვარ-სახელს.

**ხაშურის მუნიციპალიტეტში გავრცელებული გვარების ისტორიისათვის**

ხაშურის რაიონისთვის ერთ-ერთი ძირძველი გვარსახელია, კომპაქტურად გვხვდება ხაშურში.

რუისის სამწყვსოს 1715 წლის დაფორთხვით გვარსახელი გვხვდება სოფელ ურთხვაში - ბოლოკადე იმარინდო და შინდარაში - ბოლოკადე დათუნა.

დოკუმენტებში ბოლოკადე დადასტურებულია შინდარაში. შემაზა ბოლოკადე 1720 წლის 1 იანვარს ემოწმება გიორგი ჩხეიძის მიერ იესე ჯაბადრიშვილისადმი მიცემულ გირავნობის წიგნს.

სხვა შემთხვევაში, ხაშურის ჭალის მდებარეობის განსაზღვრის დროს, ქაიხოსრო აბაშიძე იშველიებს ბოლოკადის მიწას. 1794 წლის 15 ნოემბერს იგი წერს: „ხაშურის ჭალა, სურამიდან რომ შარა გამოვა, ფონი რომ არის, ის არის... ბედიანის შვილისა და ბოლოკადის მიწა შარას გვერდზედ აქვს ფონს გაღმა“.

სოლომონ აბაზაძის 1771 წლის 4 აპრილის არზის თანახმად, მისი ორი „მემკვიდრე კაცი ბოლოკადე და სვიმონა“ იასე დიასამიძეს ჰყავდა დასაკუთრებული. იგი თხოვს ერეკლე მეფეს, რომ თავის „კაცის წყალობა“ უყოს. საკითხის გარკვევის შემდეგ, ერეკლე ავალებს იასაულს იოსებ ელიოზის შვილს „აუყაროს“ ბოლოკადე და სოლომონ აბაზაძეს მიაბაროს.

1776 წლის 2 ნოემბერს, სოლომონ აბაზაძე აღნიშნულ საკითხზე იულონ და ვახტანგ ბატონიშვილებთან ჩივის: „ორი კომლი ჩვენი სამკვიდრო კაცები ბოლოკადეები მორდალო დიასამიძეს იესეს ჰყავს. ხელმწიფე მამის თქვენის ოქმიცა გვაქვს და იასაულიცა. მაგრამ იასაულმა თავს არ შეიღო გვევდრებით, ერთის ოქმისა და იასაულის წყალობა გვიყოთ, როგორც ხელმწიფის ოქმში იყოს ბრძანებული, ისე აგვიყაროს და მოგვაბაროს.“

ბატონიშვილები გოგია მანაბელს ავალებენ რომ „ამათ როგორც ბატონის მამის ჩვენის ოქმი ჰქონდესთ, ამათის კაცების საქმე იმგვარად უნდა გაურიგო, ამაზე ბეჯითად უნდა მოიქცე, თუ ჩვენი ხათრი გაქვს“.

ბოლოკადეები შინდარაში ცხოვრობენ. ამის დასტურია 1784 წლის 23 მაისის აბაზაძეების არზა მამულის თაობაზე. არზის თანახმად, აბაზაძეებს შინდარაში მათი ოთხი კომლი კვახიაშვილი სახლებია, მაგრამ „ამ ოთხი კაცის საკვამლო ასე დაკარგულა, რომ ერთი კვამლი ვეღარ გავაძლებინე იმ მამულზე, იქ მოსახლენი და იმათი მეზობელი ბოლოკადე გახლამსთ, რომ იქაური მამულები სულ წვრილად იცის, ვისიც არის“.

აბაზაძეები ბატონიშვილ იულონს თხოვენ, რომ „ერთი ოქმი იმათ ებოძოს, რომ ღმერთის წინაშე სადაც ჩემი მამული იყოს და ვისაც ეჭიროს, ყველა სწორეთ მოგახსენოთ“.

არზაზა ბატონიშვილი იულონი ასეთ რეზოლუციას აკეთებს: „ბატონიშვილი იულონ გიბრძანებ ბოლოკადეებო! მერე ამ არზით აბაზაძე რომ ასე ჩივის, ღმერთის წინაშე რაც ამისი მამული იყოს და იცოდეთ, ყველა უჩვენეთ, თავადიშვილს ეჭიროს თუ ახნაურ შვილს, ხათრს ნურავის შეუნახავთ, ყველა აჩვენე“. 1886 წლის აღწერით, ხაშურში ბოლოკადის გვარსახელის მატარებელი შემდეგი ოჯახები სახლობდნენ:

1. ოთარ ივანეს ძე ბოლოკადე; მისი ვაჟიშვილი - ზაქარია. გაყრილია განაჩენის გარეშე მისი ბიძაშვილები.
2. ვესტაფე ივანეს ძე.
3. სოლომონ გიორგის ძე, მისი ბიძაშვილიშვილები: მიხეილ სოლომონის ძე, პეტრე, დავით, ზაქარია და ვასილი გიორგის ძეები.
4. ივანე ქიტესას ძე, ქიტესა ქიტესას ძე; მისი მეუღლე - ელისაბედ პეტრეს ასული; მისი ქალიშვილი - ვარვარა; მისი რძლები : პელაგია ანდროს ასული, სალომე გლახოს ასული.
5. მისი ბიძაშვილები: ნატალია, დარია ვესტაფეს ასული, ქეთევანი; მისი მამიდა - მელანია ზაქარიას ასული; მისი ბიძაშვილი - ნატალია გიორგის ასული; მისი ბიძაშვილის შვილი - მარიამ სოლომონის ასული.
6. ადამ გაბრიელის ძე ბოლოკადე; მისი ვაჟიშვილი - პავლე (იგივე ლევანი); მისი მეუღლე - მართა ნიკოლოზის ასული; მისი დედა - მართა სიმონის ასული.
7. პეტრე იოსების ძე ბოლოკადე; მისი ვაჟიშვილი - იოსები; მისი მეუღლე - მართა პეტრეს ასული; მისი ქალიშვილები - ეფემია, ალექსანდრა.
8. გიორგი სიმონის ძე ბოლოკადე; მისი ვაჟიშვილი - სოლომონი.

**დაბრუნდაშვილი**

ეს გვარსახელი გავრცელებულია ვაჟაში, ზემო და ქვემო ოსიაურში, ხაშურსა და ხცისში.

საქართველოში 612 დაბრუნდაშვილი იყო 1995 წელს. აქედან თბილისში - 305, ხაშურში - 130, ქარელში - 68.

ალ. ლლონტი აფიქსირებს მეტსახელს - დაბრუნდა. ილია მაისურაძის მიხედვით, საგარაუდოდ, ზმნური წარმოშობის მეტსახელიდან - დაბრუნდა, - მომდინარეობს გვარ-სახელი. გადმოცემით, აღნიშნავს მკვლევარი, ბერძენაულიდან (სოფელი ქარელის რაიონში), თათრებს რამდენიმე მამაკაცი გაუტაცნიათ. ერთ-ერთი მათგანი გამოქცეულა და მისთვის „დაბრუნდა“ დაურქმევიათ.

საბუთები გვხვდება XVII საუკუნიდან საციციანოში. ჭოგაში (ხცისთან ახლოს) მცხოვრები დაბრუნდაშვილის მამული, ციცი ციციშვილსა და მამუკა მადრაძეს შორის დავის გარიგების თანახმად, დარჩა მამუკას.

აგარაში მცხოვრები დაბრუნდაშვილი ივანა, ედიშერ და პაპუნა ციციშვილების გაყრის დროს, მამულით ერგო ედიშერს. რუისის სამწყვსოს 1715 წლის დაფორთხის თანახმად, დაბრუნდაშვილები გვხვდებიან ბერძენაულში (დაბრუნდაშვილი იესე, დაბრუნდაშვილი იორამ, დაბრუნდაშვილი დათუნა) და ოსიაურში (დაბრუნდაშვილი გიორგი, დაბრუნდაშვილი მამუკა).

XVIII საუკუნის 20-იან წლებში, ოსიაურში მცხოვრები დაბრუნდაშვილების ორი კომლი იესე მეფეს სეხნია ჩხეიძისთვის უბოძებია. ჩხეიძეს მარტიროზაშვილი სოლომონი შესთავაზებია. ამასთან დაკავშირებით, იესე მეფე მდივანს შერმაზანს მკაცრად აფრთხილებს, რომ დაბრუნდაშვილებთან, ჩხეიძის გარდა, ხელი არავის აქვს.

„...ლიშვილს და მდივანს შერმაზანს ასე უამბეთ. მერმე ჩვენ ამას წინათ მოღარეთუხუცესი სეხნიაშათვის ოსიაურს ორი კომლი დაბრუნდაშვილები წყალობა უყავით, ახლა ასე მოგვეხსენდა, რომე მარტიროზის შვილი სოლომონ შესცილებია. სადავ ესები სულ თქვენი ბრალია, ან იმას ხელი აქუს ამასთანა ან ჩხეიძის მამულთანა. თქვენ რა საქმე გაქუთ ან სარბელად და ან საიასაულოდ ან სარათმეველად. ამის მამულთან არცარა ხელი გაქუსთ და თუ კიდევ მოგვეხსენდა მწვედ გიწყენთ იცოდეთ“.

1886 წლის საოჯახო აღწერების მიხედვით, ოსიაურში სახლობდნენ დაბრუნდაშვილების შემდეგი ოჯახები:

1. ალექსი ნიკოლოზის ძე დაბრუნდაშვილი; მისი ვაჟიშვილები - გრიგოლი, გიორგი, ზაქარია; მისი ბიძაშვილი - ედიშერ გრიგოლის ძე; მისი ბიძაშვილის შვილი - მიხეილ ედიშერის ძე; მისი მეუღლე - ეკატერინე პეტრეს ასული; მისი ქალიშვილი - ალექსანდრა; მისი მამიდები: სოფია გრიგოლის ასული, სიდონია სიმონის ასული.
2. გაბრიელ თევდორეს ძე დაბრუნდაშვილი; მისი ძმა - სოლომონი; მისი და - პელაგია.
3. ივანე პეტრეს ძე დაბრუნდაშვილი; მისი და - ნატალია. სოფელ ხცისში ცხოვრობდნენ:
4. ექვთიმე ბეროს ძე დაბრუნდაშვილი; მისი მეუღლე - სოფია ივანეს ასული.
5. გიორგი პავლეს ძე დაბრუნდაშვილი. გაყრილია განაჩენის გარეშე (ცხოვრობს თბილისში).
6. ვესტაფე გიორგის ძე დაბრუნდაშვილი; მისი ვაჟიშვილები - მიხეილი, თევდორე, იოსები, პავლე; მისი ქალიშვილები - ერმონია, ეფემია; მისი მეუღლე - თამარა შიოს ასული.



**ხაშურის ბიბლიოთეკას წიგნები საჩუქრად გადასცეს**

გიორგი ჩუბინიშვილის სახელობის ქართული ხელოვნების ისტორიისა და ძეგლთა დაცვის ეროვნული ცენტრის ხელმძღვანელმა თამარ ბელაშვილმა ხაშურის მუნიციპალიტეტის საბიბლიოთეკო გაერთიანებას საჩუქრად გადასცა წიგნები, რომლებიც მთავარი ბიბლიოთეკის სამკითხველო დარბაზის ფონდში განთავსდება

# ნანი!... ძალიან მიყვარხარ!

არის წუთები, როცა გრძნობ, რომ სადღაც მზე ჩაქრა, დაბნეულა და, წამიერად, წყვილიადთან ერთად, სიცვივმ გადაუარა სამყაროს.

არის წუთები, როცა გრძნობ, რომ რაღაც მართლაც დასრულდა და დასრულდა ის შენში, და რომ ის, რაც დასრულდა, ამავე დროს, არის ის სინათლე, რომელიც მომავლისაკენ გზის გაგნებაში უნდა დაგეხმაროს. ასე სინათლესა და სიბნელეს შორის ხარ რამდენიმე წუთი და მერე გონება თავისით იწყებს ამ სიბნელიდან ნათელი წერტილების გამოხმობას, რომელიც ერთ დიდ შუქურად იქცევა და ამ შუქურას იმ ადამიანის სახელი ჰქვია, ვისმა ამქვეყნიდან წასვლამაც ამ ბნელსა და ნათელს შორის მოქანავე არსებად გაქცია.



დღეს ამ შუქურას ნანი გაჩეხილაძე ჰქვია. ჩემდა სამწუხაროდ, ცხოვრების უსამართლობამ თუ დაუნდობლობამ ბევრჯერ მამყოფა ამ ბნელისა და

ნათლის მიჯნაზე...

ჩვენი მეგობრობა გასული საუკუნის 80-იანი წლებიდან დაიწყო. ამ დროისათვის ნანის უკვე თავისი ადგილი ჰქონდა დამკვიდრებული ხაშურის საზოგადოებრივ ცხოვრებაში. მის მიერ წაკითხული ლექსი კი ხაშურელებისათვის იმ დროს ღმერთთან მიახლოებას ნიშნავდა. ბავშვობიდან იდგა სცუნაზე, მდეროდა, კითხულობდა, მერე კი მის მიერვე ჩამოყალიბებულ სტუდიაში ნორჩ თაობას აფრთიანებდა და ხელოვნებას აზიარებდა. სადაც ნანი იყო, იქ იყო სილამაზეც, სითბოც, დიმილიც, სიკეთეც.

ან კი როგორ შეიძლება დაივიწყო ის საოცარი სადამოები ჯერ კიდევ ქალაქის კულტურის სახელში რომ მართავდა. იქ ყველაფერი იყო: მუსიკაც, მხატვრობაც, პოეზიაც. გამოდიოდი იმ სადამოებიდან და გრძნობდი, რომ ეს ადამიანი გჩუქნიდა ფრთებს, რომლითაც ხელოვნებისაკენ მიმავალ გზაზე კი უნდა გველო, უნდა გეფრინა.

ის იყო ხაშურელი - ამ სიტყვის ყველაზე ნათელი გაგე-

ბით, ის იყო ხაშურის სახე და ამას აღიარებდა ყველა... ის იყო ადამიანი, რომელსაც სიცოცხლეშივე შეეძლო ადამიანის დაფასება და სითბოსი და სიყვარულის მიგება, ხოლო გარდაცვლილთა ხსოვნა მისთვის უპირველეს საზრუნავს წარმოადგენდა და ყველაფერს აკეთებდა, რომ დავიწყების ბურუსიდან გამოეხმო იმ ადამიანთა სახელები, რომლებსაც ჩვენი ქალაქის ისტორიაში თავისი სიტყვა ეთქვათ.

საუკეთესო ოჯახში გაზრდილს მშობლებისგან მოჰყვებოდა სითბო და სიკეთე. და ამასთანავე, პირდაპირობაც, არ დაუკარგავდა არავის ნაღვაწს, მაგრამ აუცილებლად ეტყოდა იმასაც, რაც მოსაწონი არ იქნებოდა.

დედობა კი მისთვის ის უწმინდესი ტვირთი იყო, რომლისთვისაც, როგორც თვითონ ამბობდა, ღირდა ამყვეყნად მოსვლა. აღმერთებდა თავის ერთადერთ შვილს და გიგამაც ყველაფერი გააკეთა მისი სიცოცხლისათვის ისე, როგორც მოსიყვარულე და ღირსეულ დედაშვილობას ეკადრება.

ასეთი იყო ჩვენი ნანა. ლამაზი, მუდამ გემოვნებიანი, ჩაცმის თავისი სტილით, სიარულის მანერით, ერთგვარი არტისტიზმით, დიდი გულით და ულამაზესი, სითბოთი სავსე თვალებით.

დიდი მეგობარი... ბევრისთვის .... ჩემთვის განსაკუთრებული... როგორ მითბობდა სულს მისი სატელეფონო საუბრები, როგორი მოფერება იცოდა. როგორი მზრუნველი და დამფასებელი იყო, როგორ მაკლია უკვე მისი შემოძახილი...

მტკივა? უფრო მეტი, თითქოს შეგუებული ვიყავით ამ აზრს. ლამის ექსი თვეა ებრძოდა სიკვდილს, ჩვენც ვებრძოდით აზრს მისი არყოფნის შესახებ, თითქოს თავს ვაჯერებდით, რომ ჩვენი ლამაზი და ამაყი მეგობრისთვის ამ მდგომარეობაში ყოფნას სიკვდილი სჯობდა, მაგრამ მაინც ძნელი აღმოჩნდა ის წუთი, როცა მისი არყოფნის ამბავი გავიგე.

ხაშურის ქუჩებს ადარ დაამშვენებს მისი ერთი საუკეთესო შვილთაგანი, ხაშურელებს დიდ სითბოსა და სიყვარულს ვედარ მიაგებებს მათი მეხობე და დამფასებელი, დადარდიანდება ხაშური, ბევრჯერ მოისაკლისებს თავის გამორჩეულად ნიჭიერ შვილს და ეს იქნება ამავე დროს მისი უკვდავებაც.

უკვდავებისთვის კი მან ყველაფერი გააკეთა. მისი სახელობის ვარსკვლავი მომავალშიც მიეგება მუსიკალური სკოლის სტუმრებს, მომავალშიც გაახსენებს ყველას, რომ ხაშურს ჰყავდა მომხიბვლელი ხელოვანი ქალბატონი, რომლის სახელი კიდევ დიდხანს გაჰყვება ჩვენი ქალაქის ისტორიას.

ახლა კი, ჩემო ნანი, შენი სიტყვებითვე უნდა მოგმართო. ტელეფონზე რომ დავამთავრებდით საუბარს, შენ იქვე იტყოდი: -მოიცა, ერთი ახალი ამბავი უნდა გითხრა, მე კი ვიცოდი რაც იყო ეს „ახალი ამბავი“ ძალიან მიყვარხარ! - ამას იტყოდი და ტელეფონს გათიშავდი.

ახლა მე უნდა დაგემშვიდობო იმავე სიტყვებით: ნანი, ჩემო ძვირფასო მეგობარო, ჩემო დაო, ძალიან მიყვარხარ!

მურად მთვარელიძე

## უმძიმესი დანაკლისი

ხაშურის მუსიკალურმა საზოგადოებამ დაკარგა შესანიშნავი მუსიკოსი, დედაწამოილი პედაგოგო ქალბატონი ნანი გაჩეხილაძე.

ქალბატონმა ნანიმ მრავალი თაობა აღზარდა და აზიარა მუსიკალურ ხელოვნებას. ძალიან უყვარდა თავისი პროფესია, მის მიერ ჩატარებული თითოეული გაკვეთილი არ იყო მხოლოდ სტანდარტული მიწოდება ცოდნისა, მას თითოეული მოსწავლე მუსიკის ღვთაებრივ სამყაროში გადაჰყავდა.

ხაშურის მოსახლეობას, ძველსა თუ ახალ თაობებს ყოველთვის მადლიერებით გაახსენდებოდა მის მიერ წაყვანილი უმშვენიერესი სადამოები, ხავერდოვანი ხმა, სითბო და სიყვარული, რომელსაც იგი სცენიდან მიაგებდა თითოეულ ადამიანს, ის დიდი პასუხისმგებლობა, რომელსაც აკადემიზმი ჰქვია. ქალბატონი ნანი უხდებოდა სცენას.

თავდავიწყებით უყვარდა ხელოვნება, პოეზია, მწერლობა, ფერწერა, ჰქონდა დიდი ერუდიცია, არისტოკრატიზმი და სისათუთე. იგი უდიდეს პატივს სცემდა ადამიანებში ნიჭიერებას, განათლებას, ცდილობდა ნიჭიერი ადამიანი ყველასათვის ცნობილი გაეხადა.

ქალბატონი ნანის ყოველმხრივი მოღვაწეობა სათანადოდ დაფასდა და 2016 წლის აპრილში, ხაშურის სამუსიკო სკოლის წინ, გაიხსნა მისი ვარსკვლავი.

მისი გარდაცვალება დიდი დანაკლისია ხაშურის საზოგადოებისათვის, სამუსიკო სკოლის პედაგოგებისა და აღზრდილებისათვის.

ნანი გაჩეხილაძე - შემოქმედი, მოღვაწე, გამორჩეული ქალბატონი, პიროვნება, პედაგოგი, მუსიკოსი - მეგობარი - ყოველთვის ვინც კი მას იცნობდა და ვისთანაც ურთიერთობა ჰქონია.

ღრმა მწუხარებით და დიდი ტკივილით მივაცვილებთ მას უკანასკნელ გზაზე. მსუბუქი იყოს ხაშურის მიწა, ქალაქისა, რომელიც მას ასე ძლიან უყვარდა და სადაც ის ძალიან უყვარდათ და აფასებდნენ. ის თავისი მშვენიერებით დააკლდა ქალაქს.

სამუსიკო სკოლის გაერთიანების თანამშრომლები



## ნანის ხსოვნას

საოცარი ქალბატონი დაკარგა ხაშურმა, აი, ისეთი - მთელი ქალაქი რომ წლები ველარ ინელებს ამ ტკივილს და ისეთიც, მის გვერდით გატარებული ყოველი წუთი მთელი ცხოვრება რომ მიგყვება ნათელ სხივად. თავს ვხრით მისი ნათელი ხსოვნის წინაშე და გვჯერა, მის მიერ მუჭა-მუჭა ნაგროვი და მიმოფანტული სიკეთე კიდევ ბევრჯერ შეგვახსენებს თავს.

რეზო კომკაძის ნახატი

რედაქციელები

ა(ა)იპ ხაშურის მუნიციპალიტეტის გაზეთი „ხაშურის მოამბე“. ღირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail [Khashurismoambe2015@gmail.com](mailto:Khashurismoambe2015@gmail.com) მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

Ⓐ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუსიაშვილი.